


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 55 || No. 01 & 02

January & February, 2019



Editor: Rev. Stephen Chinzathang

Synod Kumpuon:

"Kipah kawm a Pasion nasem" (Late 100:2)

Khristian Tangkou

Vol. No. 55 || Issue No. 01 & 02 || January, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Hangpi Manlun
- **Moderator Elect:**
Rev. Zamlanpau
- **Secretary (Sr):**
Upa Liensuonkap
- **Secretary (Jr):**
Upa Kapkhanthang
- **Treasurer:**
Upa Chinsuanthang
- **Statistician:**
Upa T. Langkhanmang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Sawmakhat sungte 05
- Report 07
- Pasion melma 08
- Kum tha thuvaihah..... 11
- Khristian Innsung..... 14
- ZPWF Column 21
- Suunna..... 24

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



PASIAN POMTAH (Rom 12:1)

2019 imu uh toh kitawn in Mangpa Jesu min in simtu zousie chibai kahing buh hi. kum 2019 Synod thupi ahileh “Kipah kawm a Mangpa nasem (Late 100:2) ahi a tua toh kitawn in tunin ;houlimna tomkhat nei lei chi i ut hi.

Tulai khawvel i et leh Khristiante hina tah a ze-et a ki umta ahi chi manghil sih va ui. Khovel gam tam tahte a Pasian zatatna a kiem deudeu ta a zong, Khristian hindan kilawm leh gingtu hindan hoitah toh Khristian innsung dindoh/siendoh ding pen, nahpi tah a pan lah a zong kipe zoutah a Pasian zatatna hinkhuo toh pangkhawm a pan lah a ngai ta hi.

Tuami a hing hitheina ding in Pasian chia tua eiten ibieh uh pen hoitah a itheichet uh angaita hi. Pasian khu ei gingtute a ding a tung a iet uh eisang a silbawltheizaw, tungnung zaw leh khovel pumpi siempu Pasian khu ahi ei ten i bieh uh tangtawn tangtawn a phattah ahia, phattah leh biehtah umsun leh thupipen khu ama ahi chi manghil sih va ui. Rom 12:1 in “Tuachin unaute aw, Pasian kunga na sapum uh, kithoina hing leh siengthou leh pomtah hi dinga kilan dingin Pasian khotuona ziehin ka hing ngen ahi, tuakhu na bawl ding ua kilawm mawng ahi” achi ma bang in “kipah kawm a Mangpa nasem” (Late 100:2) in ahing chielna khu bang chi in isutang tung di uoi.

Kipah kawm a Mangpa na sepna a poimaw ahileh eima ki **pumpieh** na khu ahi. Mangpa a kipumpieh ichi chieng leh **sapten**/Mangkang te ham in **Dedication** (Kipumpieh) khu apoimaw ahi. Koima kipumpiehna neilou in bangma a sem doh sih ding hi. Kipumpieh ah tunia ei gingtute nasep hing masawnsah ding. Pasion zatatna nei ten Pasion lungkimlou ding zau in akipumpieh uh a tua kipumpiehna ahing gasuo chieng in kipahkawm in Mangpa'n na ihing sem thei ding uhi.

Pasion ah biehnah dih nei a gen a tulai ni te ahoilou ziehin ginna dihlou tamtah ten zong gingtute chitahna ding leh Pasion a hindan hoi zatna tan phah a zong ahing subuoi thei hi, tuaziehin tukum 2019 pen gingu nahina ah Pasion pomtah hi dingin Mangpa muong in pan latha chiet vaui.

Mangpa'en simtute zousie hing guoljawl in hing umpita hen.



SUH DIHNA (CORRIGENDUM)

1. Mangjing Mission Field apat sepguol tuohkhawm ₹. 110/- kichi pen ₹. 1,010/- chi ding hizaw.
2. Pu Jamkhopao Central Church apat Sawm-a-khat ₹. 3,560/- kichi pen ₹. 34,700/- chi ding hizaw.
3. Pu Ginsuanhau MLA Singngat Sawm-a-khat ₹. 2,80,000/- kichi pen ₹. 6,21,500 chi ding hizaw
4. Bengaluru Anntang ₹. 1750 khu 2500 ding hizaw hi.

Suhkhiel ngaidam ngenkawm in, suhkhiel aumthei zel a Office ah suhdih thei zing ahi.

Sd/- Account Section (ZPCS)

Thu tuomtuom leh Thumpi dingte



01. Pasion hoina leh akhut hat a kepbitna toh kumlui hunte haliem zou in tuni kumtha, nitha lih leh meel hing musahtu Mangpa min loup i phatkawm in Ama THUPINA ipe masa uhi.
02. Thumsahna: Pasion hoina toh lametna lienpi neikawm in ipawlpi sunga sepna tuomtuom neite leh nehsuina nam tuomtuom neite a din damtheina, lamzanna leh lawchinnate ngetpieh vaui. Tualeh Hattuum chin a Sawm-a-khat leh silpieh dangdang pie a panla tute adin zong thumsah vaui.
03. Latha bu kihong zouta: Dated 3rd Dec. 2018 niin Zou Synod Office Committee Room ah Zou Synod sponsor tute leh Zou Christian Musical Committee (ZCMC) te saina in KHRISTIAN LATHABU kihong zuota. Tami phatna laa tungtawn in Hattuum chin a Ami siengthouten limna leh kipahna sangzaw amuna hing suoh taken....! Adeiten Office ah muthei zing ahi. Aman Copy - 1(khat) Rs. 100- ahi.
04. Damlou vena: Pasion hoina leh mapuina toh kumtha meel kipah huoi imu utoh kitawn in ipawlpi sung ua damlouna zieha lupna tung ngah te leh Hospital mun tuomtuom a damna ngai a kienkol te a din thumsah vaui.
05. Mission Conference: Pasion hoina leh mapuina muongkawm in ahing tung ding 8th-10th Feb. 2019 cheingin Presbyterian Church Zomi Colony ah A 13 vei Mission Conference um ding hi. Thupi: "Nam china pat nuazui ding bawl un" (Matt. 28:19).
06. Synod Session khawmpi kizang zouta: Pasion hoina leh mapuina toh apeisa 29th Nov. 2nd Dec. 2018 sung dai in Presbyterian Church Lailamveng ah a 15 vei Session khawmpi loh tah leh lawching tahin kizang zouta. Synod tuomtuom apat palai hing tel thei uhi. Ama biekhawmna leh phatkawmna ah kilim thei mama hi. Tualeh

khawmpi in Pro. Pastor Ginlienmang Pastor piching hiding in siemkhie hi. Khum ban ah Station a mun awngte hu dingin tam anei ate khawmpi in lepthana nei hi. Amaute

Pastor

Post

- | | |
|-----------------------|-----------|
| 1. Rev. Ginlianmang | Bengaluru |
| 2. P/P Kamminthang | Chennai |
| 3. P/P Khupsianlal | Shillong |
| 4. Rev. Mangmuonthang | Maukot |

Kumkia khawmpi mun ding Presbyterian Church Tuining, Ahun: 28th Nov. - 1st Dec. 2019 Thupi: “Kipah kawm a Mangpa nasem” (Late 100:2).

07. Thumsahna: Pasian hoina leh mapuina zal a kumbul a ding ihi na utoh kisai in ipawlp i kivaihawmna a Ordain Upate, Pastorte, Sawltahte leh Sangsyete adin thumsah vaui. Amaute ginumna leh dihtatna toh ang kilamtha thei chiet na ding un.
08. PCI Gospel Campaign: Dated 14th-16th Dec. 2018 sung in Karbi Anglong ah PCI Gospel Campaign um hi. Ei Zou Synod apat in Rev. Stephen Chinzathang Sr. Executive Secretary leh Rev. Khamchinkhai Executive Secretary Rev. Lamsuanthang leh Pro. Pastor Khupsianlal te vatel thei uhi. Lawchingtah leh nuomtah in vazang zou uhi.
09. SENATE OF SERAMPORE COLLEGE KUM 200 CHINNA LAWM: Dated 9th Nov. 2018 niin Serampore College huong sung ah India gam a Pasian thu zilna (THEOLOGY) College munpi a kum 200 chinna BICENTENARY thupitah in lawm uhi. Khunah Hattom lamkaite leh Serampore College apat a ana zil zousate ban ah Hattuum dangdang apat mi 20 val lamkai poimawtah tah in zong uop uhi. Amin dingin ‘BI CENTENARY CELEBRATION FOR CHURCH LEADERS’ chi’n min vaw ua, Well Wishers Alumni chi’n lungdam thuvaihah nei uhi.
10. ZPWF KUMTAWP KHAWMPI: Pasian hoina leh mapuina kilomet kawm in March 15th-17th, 2019 sung in Presbyterian Church Zomi Colony ah a 8 veina Zou Presbyterian Women Fellowship (ZPWF) kumtawp khawmpi um ding hi. Thupi: ‘Sil zousie phun lou leh niel lou in sem in’ (Phil.2:14). Khawmpi a lawchintheina dingin thumna toh bawzui chiet vaui.

11. A 62nd ZPYF General Conference Behiangjang P/Church ah Date 17-20 January, 2019 sung nei in nawptah leh manpha tah in Khanglai ten mang uhi. Thupi: Khanglai Khrist adia gimnamtui (II Kor. 2:15). Hall tala zen in mipi pumdim a, Registration bawl thei palai 700 val uhi. Khawmpi kia mun dingin Presbyterian **SAIBOH**, Gunpang District ding ahi. ZPYF a ding a Record break khat a chiemte ahi. Thumna toh bawzui chiet va ui.

.....

ZOU PRESBYTERIAN CHURCH SYNOD

Nov. 2017 to January 2019 - Sawm-a-khat sungte

- | | |
|--------------------|------------------------|
| 1. LDCC Hiengzou | 2. Zomi Colony |
| 3. N. Khaukual | 4. Tongdam |
| 5. M. Buangmun | 7. Kanan Veng |
| 8. Sugnu | 9. Gangpimuol |
| 10. Teisajjang | 11. Tuining |
| 12. Muallum | 13. T. Tangnuam |
| 14. Hiengdung | 15. Mualtam |
| 16. Central Church | 17. D. Phailian |
| 18. Khuainuoi | 19. Awnchinkap khuo |
| 20. S. Vengnuam | 21. Imphal |
| 22. Buhsau | 23. Lailam Veng |
| 24. Tuimanjang | 25. Zomi Bethel |
| 26. Delhi | 27. Zoumun |
| 28. Behiangjang | 29. Hiangtamjang |
| 30. Thingkangphai | 31. T. Khajang |
| 32. Goshen | 33. Mangjing |
| 34. PN. Khovong | 35. Aina |
| 36. Hiangtam (K) | 37. Maokot |
| 38. M. Kholmual | 39. Sangaikot |
| 40. T. Talnuam | 41. Emmanuel |
| 42. Paspati | 43. Moreh-Gamnuam Veng |
| 44. Singngat | |

.....

MISSION COLUMN

Thumsahna: Zou Synod in FMPB toh Partnership a Missionary nna sepkhawm a ichawmte tam anei a bang ahi.

1. FMPB a Missionary a kuonte:

MinPaminField

1. Tv. Thanglal.....s/o (L) PauzagouKarnataka
2. Tv. Siehkhonthang.....s/o PaunehJarkhand
3. Nh. Nemzavahd/o Upa H. Thonglam....Jarkhand
4. Tv. Sienlunthang.....s/o Ginzahang.....Jamu & Kashmir
5. Nh Lhingneihoi.....d/o Haukholal.....Training

2. FMPB toh Partnership a i chawmte:

MinField

1. Mr. Ginsawmh/o ChinghoikimHimachal Pradesh
2. Mrs. Niangboi Singson, w/o Sonpu Singson..Jharkhand
3. Rev. Thongkhankap.h/o NiangzangaiSiliguri
4. Mrs. Niangzangaiw/o Rev. Thongkhankap Siliguri

3. Mimal a chawmte:

AchawmtuAchawmField

1. Mrs. Nuamkhonieng ..Tv. Thanglal.....Karnataka
2. Tv. P. Zuanneithang...Ms. Kampung ..Chotagagri (Jharkhand)

4. IEM toh Partnership a ichawmte

1. Mr. Thangzalun SimteChurachandpur Area
2. Ms. Leishichon Shimray..... Andaman & Nicobar Island

5. Hattuum in a chawmte:

Central Church apat Field

1. Tv. Reuben Lienhaulun Duhradun
2. Mrs. Irengbam Devi Imphal Area
3. Mr. Ajit Malakar Serou.

6. Lailam veng Churh apat..... Field

1. Mr. Thangzamang..... Tripura

7. Shillong Presbyterian Church apat

1. Mr. Rajman.....Charhazar

NB. Amaute eite tanga Khantanhoi puongzaha kalsuonte ahi ua, bang hun ah zong tat lou in thumpi vaui.

.....

REPORTS ON

ZOU SYNOD MISSION FIELD GASUOTE: 2018

I. Mangjing Field

Semtu: Ginsuonthang & Family

1. Baptisma tangtha mi - 3
2. Pindan a kitengtha kop - 1
3. School: Nursery apat Class-V tan, naupang zat - 70. Nh. Niengneilam Asst. Headmistress etkolna nuoi ah Grant teacher 3 toh School ah sem uhi. Tami Mission Field PCI in hachin in Rs. 5000/- in panpi hi. Synod in hachin in Rs. 24,000/- aseng zing hi. Tualeh tukum Missionary nasepna kehletna in Mangjing Area a Missionary (temporary) a sem ding in N. Priyo Kumar of Mayang Imphal hachin a Rs. 8000/- law ding kila a, tu in ginumtah a sem in Mangjing ah um hi.

SYNOD GASUO MISSION FIELD APAT SAWM A KHAT PETE

Mangjing

1. Sye Ginsuonthang.....9,600	10. Th. Mani2,170
2. Ngaimang.....450	11. Th. Chaobi 120
3. L. Mema.....1,290	12. L. Bina400
4. L. Chanchand.....70	13. S. Ranjit400
5. L. Rajen 18,350	14. M. Hatneihoi 195
6. L. Lalam.....400	15. Priyo Kumar3,200
7. L. Shaphaba Meitei.....50	16. I Shanjoy.....20
8. M. Niengneilam7,810	17. I Biren 150
9. S. Thawnglien200	18. L. Ruchi60

Paspati

1. Ashish	60
2. Chingbawi	380
3. Binod	150
4. Bindu	500
5. Budhiman	350
6. J.K. Ghatani	450
7. Mariam	50
8. Narian	750
9. Narmaya	170
10. Punam	20

11. Rutta	690
12. Rajman	3,520

II. Paspati Field

1. Semtu : Bhim Prasad & Family	
2. Hattuom inn	: 8
3. Pasal zousie	: 22
4. Numei zousie	: 25
5. Total member	: 47
6. Baptisma tangtha	: 1
Amin Aruna le Kum 18 mi	

PASIAN MELMA

By:- Upa Langkhanmang @ T. Mangnou
Presbyterian Church, Tuining

Pu Editor leh Simtute zousie, I Hundampa Jesu Khrista min in itna chibai kang lan hi.

I Houlim nuom Bible Taang Jacob 4:4

“Nou angkawm hatte aw, leitung lawm hi khu Pasian kilanpina ahidan na thei sih uh ama? Tuachi’n, mi koijong leitung lawm hi a nop leh Pasian melma asuoh jel ahi”.

ABible text ham jahdan et in, Numei pasal-na a ginum lou leh thangtatna thu jong huom jing kawmin, tam laibu gielpa’n mi koijong Pasian a pata kile hei a, leitung deina lam telzaw mi in, Pasian leh ana sep na khu thuo nei a akoi tahjehin, Pasian a dinga huothuoi leh kidahhuoi chi

na lam agen nuompi pen hiin a kilang jaw ahi.

Tua toh kijuiin, Khristian hinkhuo khu Mangpa nasepna toh jawhkhawm ahijehin, tuabang dan toh Khristian hi ding pen Mangpa kipahpi lam ahilou banah, tua bang mite’n Mang nasep leh leitung deina neikhawm khu Mang nasem ihi zing laiin, Pasian leh Hattuomte lebawlina asuoh thei a, tua pen in tunglam guoljawlna sang in, Pasian mi telte a dingin vangsietna nam tuomtuom

asuoh zawh jiehin Hattuom enkol dinga kiguot a kituomse te leh nasepna lam tuomtuom a satan neitute a dinga etkah ding phabep umte lahah, abailam pen Balaam, Pasian Jawlnei hinkhuo toh etsahna themkhat i pe ding hi.

BALAAM

A Background: Pethor khuo a Beor tapa ahia, amin khu Num. 22-24 tan ah 50 vei mu ahi. Tualeh Min. 31:8;16; Danp. 23:4,5; Jos. 13:;22; 24:9-10; Neh. 13:2; Mica. 6:5; Juda 11 te ah zong mu ahi.

1. Amin piendan:

Grik Thuhun Tha sungah ‘Balaam’ chi ahi (2Pet. 2:15; Jude11; Kih. 2:14). Tuateng sunga amin khiehna khu:

- 1) A hina kitheimaw bawl mi,
- 2) Thaman dihloou ngaina mi,
- 3) Kaina lampi zuia Korah helna mun a shi pa.
- 4) Israel tate kipalpueo sahna ding a Moab Leeng Balak thuhil zui mi,
- 5) Milim pasien kungah kithoina Ann ne, sethei nasepna chintenga kituhlut mi chinate ahi.

Tam teng banah, misiem tam tah te’n a min khu Hebru ham a verb. ‘BVala chi kammal apata lahsawn hi’n agen ua, tua khu Valtum’

(Swallow down) china ahi a chi uhi (I Khang. 6:70 LXX) ah khu’n ‘Bil’ ‘am’ chi’n a kigiel hi. Arabic hamah ‘Bal’ ‘am’ chi khu ‘Anhai’ (glutton) china ahi kia hi. Kihilna bu 2:6,15 ah Nicolaitan khu ‘Grik ham kile khiehnaah (Nicolaos) chi ahia, khum khu “Namte sugentheih leh zuohpa” china ahia, Balaam chi khu thuteng ni gawmkhawm i.e. “Bala” leh “am” ahia, aumzie khu (Namte) china ahi.

2. Balaam hinkhuo: Pasian namtel hilou pulam mi, Moab, Midian, Edom etc te toh kihou theina nei mi, Peor taaanga Baal pasien, mit la leh mi hip thei mama thuginpi (Cult) leh pu leh pate bieh dan thu a nam tuomtuomte kipawlkhawmna muna va tel thei jel mi, kop leh kai thuo thei mi leh pasien tuomtuomte thuhil sang mi zong ahia, a tanchin kigelna dang kia khat khu BC 700 laiin Jordan phaijanga ‘Alla’ pasien toh jong a na kijop pha hi. Peor taanga Baal pasien thuginte juia Israelte besah dinga Moab Leengpa Balak thujaw theia ana um jiehin Israel tate khu Moab Numeite toh noptat thangatna leh Pasian taisan sahna dinga thuguh kemtu in zong ana pang hi. Edom khopi Dinhabah ah Leengin zong ana pang hi.

1. A maitam leh Pasian a dawr dan: Ama deikai lungsim banga Pasian kunga thumna nei mi leh

sum jieha Longa khuoljinna gamla pipi zong khawhsalou mi ahia, Pasian Jawlnei ahi zing laiin Pethor khuo a khutlam en siem mi zong ana hi hi.

Aramaik hama thugiel khat Teel Deir Alla muna kimu ah khu'n Balaam khu pasien dang tamtah betu hi'n zong agen hi.

2. Ahinkhuo nukhia lam: Midian upate chielna bangin Israel tate khu Peor tanga Baal pasien thugin leh biehna thanghuoite a ana tuhlut ziehin Midian mite toh kidou laiin Mosia thupieh in Midian Leeng nga viz. Evi, Rem, Zur, Hur leh Reb te toh Israel galkapte'n namsau toh a na that khawmta uhi (Min. 31:8).

Bibliography:

- O. Eissfeldt, 'Die Komposition der Belem-Erzählung'; ZAWM XVII 1939m pp. 212-241; W.F. Albringth, 'The Oracles of Balaam,' JBL, LXII, 1944, pp. 207-233; A.H. Van Zyl, 'The Moabites, 1960, pp 10-12, 121-125.

The Websters' New World Dictionary.

Tulai, Zou sung Khristian kilamkaina ah tam bang hinkhuo nei mi mu thei ding a um diei? Ngaituo a ki

velchien chiet dei ahuoi mama hi. Synod, Presbytery leh Hattuum vaihawmna nam tuomtuomte sang in UZO leh Organization tuomtuom a vaihawm leh kitelna te I ngaisang zaw ei? chi leh i Constitution leh kipuihuoina bu te sanga eima pawl deidan alal jaw diei?

Pasian Hattuum khu Pasian in ni guh sunga a silsiemte hilou in, khumi zou, hun sawtpi nua a Kalvari tanga mei leh sisan toh a silsiem tha, Hattuum ahi jiehin, Leitung vaihawmte khutah etkolna nna ape sih a; Hattuumte khut sungah bou apieh zaw ziehin Hattuum lamkai ding guot danah Hattuumte dutui a huoiin, mihing gama kipuihuoina dan tuomtuomte ma pansan vetvawt in vaite hawm thei talei, khang hing pei jel dinga Hattuumte'n lamjang jaw thei va chi te ingaituopi pen ahi hi. Tua banah, tu a umlai Hattuum leh alamkaite sulnuo zui thei ding siempieh lou in hun hing tung ding mu kholna toh lamdih leh khang khuolna lungsim toh Mangpa leh a Hattuumte a dinga lam zang siem pieh lou ta lei, Sakhi api asan leh anou zong asan hi' chi thutamtuhna suohin khang mangthai i suoh ding jau ahuoi dan ngaituo kham a ching ngei ding hi. Mathei lou in Hattuum neipa Mangpa maituo chiet ding ihi chiet sam jiehin, i lamkai dan ah eima kimangngil in, Mangpa

leh mihing gam a kipuihuoina dante bang theitawp suo a i lamkai apoimaw mama hi chi ithei chiet uhi.

Laimai (space) toh gamta ihi jiehin gennop sahnop tampi kalah tam tan in izou ding a; mawl taha houlim ihi jiehin lungkhoi leh achingla leh avala igenkhah aum leh theisiemna

bawm ah koi in, idei pen khu kisiem dihna leh Mangpa lung tuoh thei ding lamkaina ahidan theisiem malam kawmin atunga tanchin tomkim tungtawna Mangpa deilam hinkhuoinei chiet theina dingin inua zuitute a dinga sulnuo nei lamkai hi dingin Mangpa'n guol ei jawlpieh ta hen.

KUMTHA THUVAIHAH LOUPITAH

- *Upa Khupsuankham*

“Nangma leh Israel mipite kiguong unlen, Jordan luidung galkai un.....” (Joshua 1:2b)

Thumapui: Pasion silthawnpieh kum 2019 kum pumpi khu imasang uah a um hi. Bang tobang in tuami hun leizaw guollou khu zang dingnahiei? Apostle Paul in, “Nite ahoilou jiehin nahun lemtang neisunte nou lei un....” achi hi. (Eph. 5:16). Tuapen ahoi theitawp leh aphatuom theipen in zangin china ahi. Nahun zahdante jiehin Pasion kung ah account napeding hi. Kumlui apeisa hita a, kumkia lah kinepna mai ahia, tukumpen naneisun nakhut a um ahi. Mosi thumna khu ithumna uh hihen. “Pilna lam a kalungtangte uh ka ngah theina ding un tuachin kadamsung nite uh simdan hinghil in” (Lapite 90:12).

Damsung khosah ngaituonate, inn-le-lou, neh-leh-dawn, sil-leh-ten puohgih leh hamsatnate jiehin nalung akie ahithehi hi. Na mailam hinkhuo dingpen miel leh bing nasa ahimaithei hi. Tuabang nahileh Pasion thuchiem khu la in. “Mosi ka umpi mabangin kang umpi ding hi, tualeh kang nuasie vawtsih ding hi” (Joshua 1:5b). Pasion in tam kum khu nazah ding, lawching ding in angpie hi. Tahsa sil a zangding

nahiei or Hagau sil a zang ding nahiei? Hun peisa “Thupiehtha i-et masang un hunpeisa hunkhop khat envai. Tampen Israelte gamdai a kum 40 sung avahvai uh thu ahi. Tampen atomlam in (I Korinth 1:11) sung ah akimu hi. nua-etkiana ah lawhna a um hi. Tamte khu eite ding a etton ding a atung ua nana tung ahi. Tualeh eite khovel tawp hing tunnate kung kithuhilna ding a giel ahi. Bang ata diei ijil dinguh?

1. Sil hoilou lunggullou ding I Kor. 10:6
2. Milim biehlou ding 7
3. Neh-leh-dawn a Pasian manghillou ding
4. Kimawl thanguoilou ding (7)
5. Nu-leh-pa hina thanguoitah a zahlou ding
6. Pasian ze-etlou ding 9
7. Phunlou ding 10

Tualeh, tamte tung ah bang na a natung taile? Mipite lah ah Pasian lung atung tasi a, gamdai ah apuolum siengta uhi (I Kor. 10:4). Tam khu tangthu dahuoi leh lunghel huoitah khat ahi. Pasian suoh Mosi lah Pasian in avuita hi. Kumte, mihingte lamkaite khu ahingpei ua, apeijel uhi. Tualeh Pasian pen kumtawn Pasian ahia, asuohte avuimaithei tualeh Pasian in ana vui ngaisih ding hi. Tuajiehin nuolang en nonlou in mailam en in, mailam nawzawva-ui.

Thupieh tha: Pasian in asuoh Joshua lamkai thapa tungtawn in thuvaihah apie hi. Pasian thupiehte khu Pasian hisah theina ahi. Pasian thupiehtha zui dingin kimansa in um in. Thupiehtha bangja a hei khat envai.

Pasian thu sim inlen, hilzing inlen; tam dan laibu in nakawm anuosie ngailou ding ahi (Joshua 1:8a). Tam Pasian thu simjing inlen, mite zasah in china ahi. Nakam a Pasian

hu Job, David leh Johante kam ah Pasian thu ahum leh atui tobang a abawlding ahi (Job 23:12; Lapite 10:10; 119:103; Kihilna 10:9). Pasian thu thei in “Hinanleh sun-leh-zaan a ngaituo gige ding ahi (Joshua 1:8b). “Hinanleh kipahna khu Mangpa dan ah ahia, tualeh adan thu khu sun-leh-zaan a ngaituo ngitngat hi” (Lapite 1:2). Thudih khu adihtahma a khen in zumna ding neilou nasemtu bang a, Pasian ngai a hoina kizousah ding kingaituo in (II Tim. 2:15). Pasian thu theisiem in china hi. University a minthang tah President khat in University a degree tengteng sang in Bible thei katelzaw hi” achi hi.

Pasian thu zui inlen asung a thu kigiel bangbang in a unsieng in bawl in (Joshua 8). Pasian sun leh thei khu silkhat ahia tualeh Pasian thuzui thudang ahi. Tulai a abuoihuoi pen khat khu thugen siem leh siemlou mankhethai a, eima kisol thu ngaikhie a, zuipeiloute ahi uhi (Jacob 1:22). Pasian guoljawlna khu thuman a kipan chau ahi. DL. Moody in, “Bible in suol apat in angkhen ding a, tualeh suol in Bible apat angkhen ding hi” ana chi hi. Thu tamthei a zuilou sang in tawmnou thei a zui ahoizaw hi.

Jordan galkai in (Joshua 1:2) Tuipisan galkai tahsa suol apat hundam ana hita a, hinanleh Jordan

galkai zoulou mani hinkhuo a mihinglui leh umjelui apat hundam nailou nahithei hi. Ginna ah Jordan gal nakai ding hi. Pasian Thuhun Bawm khu en inlen Siempute tobang in ginna in nakeng khu tuisanlai ah dialut in muthei in hing sinlen ginna in hing in. Ginnalou in Pasian kipahsah guol ahisih hi (Heb. 11:6). Namit in Pasian Bawm khu en inlen Pasian Bawm apat in kigamla sin. Reuben, Mannasse leh Gath nam kimkhatte bang in Jordan galkailou a gamnei ding tumsin. Jordan gallam ah Pasian in agam piehna mun khu Elisa in Jordan gal akai masang in Apu Elisa apat guoljawlna atan leni atang sih hi. Jordan gallam ah akai siengsih uhi. Hinanleh Joshuo leh Caleb chauh akai uhi. A unpi un Mangpa nuazui ahi uhi. Hinkhotuom bih azang uhi. Hinkhuo siengthou azang uhi. Khristian hinkhuo a guolzou hiding khu sil manpha ahi. Khovel lungsietkawm in Jordan akai theisih ding hi. Ginglelkawm in nahithei sih ding hi. Khovel shisan unlen Jordan galkai dingin thutanna nei in. Suol tung ah guolzou hinkhuo zangta in.

KUMTHA LIMLANG (Mirror for the year):

“Hing ittsem ing Nang malai sang in tu in, Hing ittsem ing nang kumlui sang in tukum in”. “Tuni in nouten bang e nadei uh, hinna leh

shina, Pasian guoljawlna e, Pasian sapsietna e, natel uh. Na deitel uh hing theipi dingin van leh lei kahan ahi. Hinna kitel un” (Danp. 30:19).

Atung a i Bible tangtel in eite thupi kal ah khat zawhsang thei dingin ang dei a - Shina e hinna? Guoljawlna e sapsietna? I Pasian in hinna kitel dingin ang dei hi. Nang in bang natel ei? Tami khu masot in kumlui iman dan uleh kumtha imandan dinguh en vau.

KUMLUI SUNG IN NOUMA INNSUNG AH

1. Na zi/na pasal toh bangjat vei naki phunsan uoi?
2. Na naute/na-uute, na moute toh naki haukha e?
3. Na nu-napa thu oilou in bangjatvei na um ei?
4. Innsung naki tuohmaw jieh un lawsapna natuohkha uoi?
5. Innsung naki tuohmaw jieh ua nahamsiet nate uh khuol in.
6. Pasian thu najuila jieh a vangsietlaw nakisahna a um ei?
7. Pasian thu lam a na innsung uh naki deisahla dan uh nageldoh thei ei?
8. Innsung leh kholai ah midangte lungsim natna in na umkha ama? hisap in.
9. Bible bangjat vei na sim ei?

TU KUMTHA SUNG IN

1. Na zi-natate bangchi pui nasawm a le?

2. Na innsung ah nasep silbawldan ding vai bang nachi hawm ding uoi, nou innsung in.
3. Na innkuon ua Missionary nasep a panlah ding dan kihoulim tum un.
4. Innsung siemthadan ding na innkuon un toukhawm unlen ngaituo un.
5. Innsung maitam a regular theitawp a bawl ding in kilan un.
6. Kumlui sang in ngaidamna hauzaw ding in dinkip sawm ni aw, ngaidamna haute, milungnopte ahi uhi.
7. K h o t a a n g h i n k h u o a h tawmngaina suhlat sawm un.
8. Innma-louma ah zong kumlui sang a ikhan zawh ua, ineitam, i lamtam jawhna ding in pan latha va-ui.
9. Pasian gam nasepna himhim ah kumlui sang a kizang tamjaw ding in panlah sawm va-ui.
10. Ei Pasian tate a ding in, Bible sim apoimaw ahi. Bible simtam tum in.

A tung a teng genlou nangman zong silhoi na ngaituo be thei leh na belap thei a um ding a, tuate laikung khat la in 2017 sung a tahsa leh hagau hinkhuo a dia natupna ahoizawte giel in.

K H R I S T I A N I N N S U N G / I N N K U O N N U O M U M Z I E L E H H I N A T E

REV. Dr. HANGPI MANLUN
Moderator. Zou Synod

1). Thumapui: Awle, i thupi uh Khristian innkuon siemphatna ding a nu-le-pa mawpuohna chi khu tulai igam dimun et in i kul-le-poimaw mama khat uh ahi. Tualeh, innkuon nuom khu hing pong um mai ding ahisi a, asung a tengten tahsa-le-hagau a pan ilahna zieh ua hing umthei ding ahigiep hi. Tualeh, nu-le-pa khen khatte a ding in i tate hinkhuo uh siemphatna ding in ikikhel in i vaigeita maithei ua, ahin itute tung beh uah etkawl na mopuohna ineithe nala uh chi imanghil sih ding uhi.

2). Baibul in innkuon agendan.

I Lai siengthou masapen uh zong khu innkuon thu ma in atop hi.
(Siemchilbu) khu innkuon thu in Tuaziehin, innkuon khu leitung um
akipan a, atopna Kihilna (Revelation) chil aum, government-te, school-te

leh kipawlkhawmna tuomtuomte um masang a zong um masapen ahi. Tualeh, i Mangpa Jesun zong innkuon ana ngaina/khawh ahingeiding a, leitung ah kum sawmthum-le-thum (33)-vel a damsung in zong kum 30-tah innsung nnasepna buoi ahingei ding a, atanchin imusih uhi.

2.i). Khristian innkuon poimawna asang deudeu hi.

Laigieltu khatin “Khristian innkuon khu a lawmpi (group) a, igen uh ahin amun dihtah a, ibuopi peilou uh ahi” achi hi. A dih mama a, biehin leh houlimnate lah ah igen zing ua, a hin amun dihtah ah koiman isempei tahtah sih uhi. Rev. John Stot in, “Leitung leh hattuum hoina ding in innkuon hoi ipoimaw ua, innsung a hoi leh hattuum leh leitung jong ahoi hi” achi hi. Tuabanah, Rev. Dr. Kenneth Chap khun “Leitung khu bang chi bang a um ding e, chi mai zong hilou, tulaitah leh dachieng a, leitung hing umtou zel ding dan etna (machine) khu innsung ahi” achi hi. Colson in tambangin agen a, “Sildang bangma’n innkuon dinmun aluozousih ding, innkuon aumsih leh tate’n hinkhuo bawlkhiehna ding in kingahna anei sih ua, innkuon tellou hindan ding a theisih ua, a hinkhuo uh puitu ding khu amau sa utna leh noptatna ahi mai hi” achi hi.

Nikhat Henry Grady in Washington khawpi a vaihawmna inn lien (White

house), khu a vamu kha hi. Lamdang sa tahin, “Tami innpi hi e maw ichi inam leh igam (USA), pienkhiehna bulpi, Pasion mitmu a namloupi leh thupi bul kipatna khu” achi hi. Ahin hun tomnou khat sung in singtang khuo khat ah avakhuoljin a, azin tunnate khu Khristian hoitah ahi ua, a inn neipan a zi-le-tate Pasion thu athujaw dan leh gamle-nam a dia ana thum zing dan uh ahidan ang mutahin “Eh pehlum (marble) akibawl inn thupi amaw igam siemna leh tung dingtu ka chi a, tambang a Khristian innkuon hoi tahtahte zieh a US gam kitung ding ana hijaw bou vele” achita hi.

2.ii). Khristian innkuon kingahna (Foundation) khu Jesu Khrist ahiding ahi.

Innlien leh loupitah lam ding in amasapen in a kingahna (foundation) khu apoimaw masapen hi. Tua ahisih leh tomlou kalin apuomai ding hi. Tuabangin, i innkuon kingahna uh i Mangpa Jesu ahiding ahi. Billy Grahamin “Na innkuon kingahna uh Mangpa Jesu ahisih leh dachieng hamsatna huipi in ang mutchieg in na dingdet zou sih ding uhi” achi a agendih mama hi. Tuin innsung hoina ding a nu-le-pate mawpuohnate isui/gen ding uhi.

3). INNKUON TEKAHNA LEH HINA TUOMTUOMTE IGEN DING UHI:

3. a) Innsung khu kipahna mun ahi: Mizousiete khun i mizie uh hoi leh hoiloute khu i innsung ua kipat a i khan khiehpi uh ahi. Environmentalists-te khun innsung (Bouruok) hoi khu a kul-le-a poimaw thu aha gen uhi. Adieh in naupaangte a khan hoina diing a kul sem ahi. Watson khun, “Naupang bangchi bang hing pie un, nadei bangbang un kasiem/suohsah diing” achi hi.

Tulai naupangte leh nungah-tangvalte khun innsung ah kipahna asui ua, amulou jieuh un kipahna sui in lawm giloute, drugs-te, zu, No. 4 leh gitlouna chinteng bawl in a hinkhuo uh a zang uhi. Bible ah tapa taimangpa in zong a innsung nuasie a kipahna sui a mundang-gamdang a, ava umlai in, a tawp ah Voh kuong bul/kung ah gilkiel in ava shidehtah hi. Ahi’n a innlam a, a’ng kilekia tah in puon hoipen silsah in a um a, kengdap thate, khutsiip thate leh voh ann dugawpa khu bawngnou thautah sa ne in a umta hi. Tampa apat in a innsung khu kipahna leh damna mun ahidan i muthei uhi (Lk.15:11).

George Moore in, “Mite khun limna leh kipahna sui in a innsung uh nuasie in munchin ah vahvah na le u’zong atawp ah, a innsung a’ngun tahtah chieng in kipahna tahtah amu giap diing” achi hi. Samuel Johnson khun, “Na innsung ah kipah in, mundang a limna-le-kipahna khu

abukim sih a, innsung a limna leh kipahna bou khu sil loupi ahi” achi hi.

3.b) Innsung khu Sang-inn (School) poimawpen ahi: Gamsa leh ganhingte khu apien ua kipat tawmlou kaal sung in a piite toh a kikhen pai uhi. Ahi’n, ei mihingte khu i nute angsung uah kum li-(4) bang i um ua, tuazou in hoitah a etkol leh kep i ngaai nalaai uhi. Tam khun innkuon poimawna a tahlang hi. Laaphuotu in, “Mihing chilou koima hil ngaai um vawtlou” achi khu adih hi. Tuajieh in, innsung Sang-inn ah khun nu-le-pate khu sangsyete ahi ua, a zillaai bu zong ahi ngal uhi. Nausen khu a nu-le-pate zilsahna bangbang a khanglien diing in, anu maltung ah hinkhuo a’ng pan a, apieh zousie uh ne diing in, akam akaah a, ahil zousie uh zui diing in a lungsim akihong zing hi.

Margerret Destrack in, “Ka nu khun lai zong agiel ngaisih a, milim zong agiel ngaisih a, ahi’n a hoina-le-ngilneina leh a khut damtah khu ka hinkhuo tungdingtu ahi” achi hi. Tuajieh in, innsung khu naupangte um diingdaan leh pilna-siemna a muna diing ua kizilsahna mun umsun ahi.

Pasian in zong innkuon Sang-inn khu a thupiehte zuina mun diing in a dei hi. Tam a thupiehte khu innsung

a hiltu diing in nu-le-pate a ngansie hi. Tam thupiehte khu... “nata na naute uh hil unlen, inn a na lup un zong na vahdoh chieng un zong, na khawldam chieng un zong, nna nasep chieng un zong gen mielmuol un; Na tunkotte/kawtkhahte uah zong giel un” achi hi (Danp.11:18-20). “I mit ha un Judate kihil diingdaan ngaituo lei nichin hunchin in nute’n a tate uh Pasian daante a hil un a zilsah ua, anute uh nawitui toh Pasian thu a mekhawmsah ua, Juda naupangte lungsim ah khun daanthu khu a lungsim uah a kitudet seng zieh un amaute’n amin nangawn uh zong khu danthu sang in a manghil baizaw uh” chi in agen hi (The Daily Study Bible- II Tim. 3:14-17). John Randolph in, “Ka neulai in kanu’n ka khut a tu a, akung ah ang khupdinsah a, ‘Kapa uh van a um chia ang hil khu theikhe sihlengpen Pasian um khu ka gingta sih diing” achi hi. Tualeh, Miss Lynch in, “Innpen siemna zilsahna mun hoipen leh poimawpen ahi” achi hi.

3. c) Innsung khu solkal poimawpen ahi: Innsung kivaihawmna khu ahoi a, a kisuhlouleh solkal lienaw zong a dih thei tahtah sih hi. USA gam a numei Politician minthangtah Albert Barkley zong khun gam leh lei a it mama hi. Azinna a kipat in apasal khu lai ang hah a, “Sim biel zousie ka tuonsuohta a, mallam zong

totsuoh ka sawm hi” chi in a pasal lai ang hah hi. Apasal in “Lawm it, i gam na lungsiet/veitahtah leh kintah in hing pei inlen, i annhuonbuh apat in pan in” a chisan hi. Tulai in tamnu bang deu a, gam-le-nam vei/lungsiet kichi a, inn-le-lou leh zi-le-ta donlou zen a, i umte khu i bawlkhiel lienpen uh ahi.

3.d) Innsung khu haichi pawina mun ahi: Mrs. Manpal in “Naupang khu haichi ahi” achi hi. Nu-le-pate nichin in i umdaan leh hamkamte uh khu i tate lungsung ua haichi i tu na uh ahi. Tuajieh in, haichi tu khu nu-le-pate i hi ua, i tuna mun uh khu naupangte lungsung ahi. Lai siengthou in, “Tanu in anu suun” achi hi (Ezekiel 16:44). Nu-le-pate’n i chitu uah i pilvan sih uleh dachieng in haichi hoilou leh suol i tu khah diing uh a zauhuoi hi. Bible in, “Mi’n atu bangbang a aat diing uh” achi hi. Lai siengthou sung ah Nu loupitahtahte’n zong a tate uh khu a neu apat a, ana etkoldan uh mu diing a tam hi. Hanna, khu nute adia ettontah ahia, a tapa Samuel khu Pasian kung ah a ngen a, ama kung ah a pekia hi. A tapa khu a ann pieh laite, nih-le-puon asillaaite in Pasian thu hing a tu zing hi. Tuaban ah Mosi nu Jakobet in zong a tapa a kep laitah in, Pasian giin diingdaante a hil a, tuaban ah chi-le-nam ngainat diingdaan zong a hil hi. Tuachi in, Aigupta pilna leh siemnate kum 40

a zilzou in a nu chitute khu ahing pouta hi. Bible in “Naupang khu a peina diing lampi ah pui in, tua hileh a’ng upat chieng in zong a lampiel nawnsih diing hi”achi hi (Thupilte 22:6). Tualeh, Timothy zong khu a nu leh a pite etkolna jieh a milawching ahi thu i mu uhi. Sap thupil in, “Naupang kum 7 ahi masang a, i etkolleh a damsung in ei a, ahiden a, ahi’n naupang kum 13 khu i nuadelpha nawnsih diing” achi kia uhi.

Tulai, nu-le-pa tampite khu sum-le-paai ngainatna lam ah ta-le-naute enkol manlou a sum-le-paai sui a buoi i tamta uhi. Tambang, nu-le-pate khu Martin Luther in Ostrict (Vakengsang) toh a gente hi. Tam Vakengsang in tui a thah zouzou chieng in a tui khu anuasie in a ngaisah nawn sih hi. Tulai nu-le-pa tampite zong ta-le-nau nei a, akeplam donlou i tam ua, tua khu sil dahuoi mama khat ahi.

Tualeh, sildang na ngainatzawh zieh a, na tate kem manlou leh amau ua diing a hun napiehlou leh dachieng in na kisia diing hi. Mrs. G. Christian khun naupang etkolna poimaw dan leh amauh dia hun zah khu a manphat dan a mu chieng mama a, tambang in la aphuo hi. “Mangtoupah loupai mai a, na din chieng in, tamthu kipah um khu nathei ngei diing, na hun liem beisate a thawnsih hi. Deitah tamnah

(Vangam ah) natate zousie kimtahn a um sieng uhi” chi’n a phuo hi. Tuazieh in, na tate khu vangam lampi ah e, gawtmun lampi ah na peipi diing? Na tate na etkol jieh a sildang na taan na khu Pasian nna loupitah sem hi in kingai zingta in.

3. e) Innsung khu hattuum masapen ahi: Bible ah hattuum (Gk-ekklesia) khu Pasian mite kipawlkhawmna genna ahi. Thuhunlui leh Thuhuntha ah khun, innsung khu mimalmalte kipawlkhawmna masapen ahi thu i mu uhi. Tualeh, umzie neitah a phu ahijieh in hattuum masapen zong a chithei hi. Ajiehpen masanglaai a kipat in innsung khu sakhuo thugin kizilsahna mun ana hileng hi.

Tuajiehin, innsung ahoi sih a, ahileh, hattuum zong ahoi thei tahtahlou thu zong i genta uhi. Eima innsung donlou leh ngaisahlou a, Pasian nasep khu Setan dei lamtah ahi. Polang a Pasian nnasep nuom i sah lai un innsung ah Pasian nnasep hamsa i sa ua, Setan in innsung ah Pasian nna i sep ua, i lawchin diing uh khu nasatah in ahing daal zing hi. Innsung a kikhopna leh thumna nei theiloute’n zong biehin leh mundang ah i nei thei thou uhi. I zi leh i tate, i nu i pate uh sang in midangte i ngaikhawhzaw ua, innsung a hagau mangthaite veilou in, gam tuom a Hagau mangthaite i veizaw uhi. Inn hagau veilouin gam

hagau ivei uh khu a dihpén sih hi. Tualeh, Pulpit leh mun dangdang a tuitah a thu i genthei lai un, i innsung uah khun gen diing theilou in i um leng uhi. Pastor khat in, “Mundang leh Biehinn sung a Pastor leh Pasian nnasep khu nuom kasa a, ahin, innsung leh zi-le-tate lah a Pastor hi khu sil hamsa kasa hi” achi a, agen dihpén mama hi. Susanah Wesley in, “Setan in innsung a’ng dou/beina izawleh i zalen diing uh chi kathei hi. Tam Hagau gilou leh suolte zou thei diing innsung ah nasatah in pan i la diing uhi” achi hi. Tuajiehin, eima chiet ua lawchingtah a Pasian nnasep khu Mangpa hing deidan ahi.

Tualeh, Pasian thu atah a i suhlatna diing uh khu i innsung uah ahidiing hi. Bible in, “Lungnemtah in kihawmthaw tuo unlen, khat-le-khat kingaidam tuo chiet bou un, Pasian in Khrist ah noute a’ng ngaidamta ngal a” (Ephesa 4:32) a chite khu innsung a, atahtah a zah diing ahi. Eite khu mipi tamna munte, Biehinn leh muntuomtuom ah khun ahoi leh adih bang a kilah i sawm ua, ahin, i innsung uah i giel adawh leng zel hi. Tambang mite khu Jesu’n Pharisaite toh a gente hi. “Haansung agubulom a pumdim a, a pulang a kijut ngou toh a gente hi.” (Mat. 23:23-28). Ajiehpén adieh in hattuum lamkaite a diing a, Laiseingthou thugente a tahtah a i zuina diing leh sephkietna diing mun khu i innsung uh ahi. Azaa

maite hilou in a jui leh a zoptyute zong hi i sawm diing hi (Jak. 1:22-25). I innsung ua i lawchin sih uleh mundang a i lawchinna uh khu a bukim zou tahtah sih china ahi.

3. f) Innsung khu Pasian nnasepna mun (Pulpit) ahi: I gensa bang un hattuum sang in innsung khu atahzaw a, tuajiehin in Pasian nasepna zong khu innsung apat diing ahi. “Innsungpen nu-le-pate a ding in i Missionary Field uh ahi. Tuanah, sem diing a i kipiehni uh khu i kiten ni uleh i tate baptisma i tansah ni uh ahi. Ahin, innsung a Pasian nnasepna i ngaikhawhlou jiehn un i bawlkhiel siengta uhi” chi in Rev. Vanlalzuata in a gen a, agen dihpén mama hi John Green in zong, “I tate uh khu utlou sasa in guta diingte, naw chi zuoh diingte in i sawl leng uhi” a chi hi. Khatvei zong tangval gilou khat khailup diing a umpa kung ah, “Koi e na mu nuompen? chi in a dong uhi. Amapan, “Ka nu ka munuompen hi” chiin adawng hi. Anu amutah in tambang in a genta a, “Nu aw en in Court vaihawmtu in ang khailum sih diing a, nangma ka nu in nahing khailumzaw hi” achi hi. “Ka naupan lai in, ka silmute kipahtah in na la zelzel a, tua khun guhtatna lungsim ang posah den hi. Ka sil guhte zong khu kipahtah in na la zelzel a, atawp ah tamna khailupna ding dawkan ah nang dingsah ta hi.” a chita hi. Anu a diing in a vaigee in a kikhelta hi.

Tuajiehin, innsung pulpit ngaisahlouna khu khelna/suolna leh tate manthaina tuntu ahi. H.C. Anderson in, “Tuolthattu za a sawmgiette khu innsung ki-etkolna hoilou apat a tuoltha utna lungsim nei ahi uhi” chiin a gen hi. D.L.Moody in, “Ka nu in ang etkol bang in mi nute’n a tate uh enkol uleh, suongkul (Jail) angai sih diing” achi hi.

3. g) Innsung suol douna mun hoipen ahi: I thupil in, “Sakhi api asan leh anou zong asan” achi bang deu in, innsung ki-etkolna ahoileh mite zong ahoi lou thei sih diing hi. Tuajiehin, i pienkhieta innsung a kipat in khelna amaw hoinate i hing khanpi uhi. Tualeh, innsung khu, suolna-leh-gitlouna kipatna mun ahileh suol douna mun zong ahidiing ahi. I pua chieng un i puana mun laitah uah i thou ua, i puana mun gei ah i thou ngaisih uhi. Tuajiehin, i gam sietna bulpi khu i innsungte uh ahijiehin, i innsung ma uh khu i kisiemphatna diing uh leh i dinna diing uh mun ahi.

3.h) Innsung khu leitung tena (Barometer) ahi: Billy Graham in, “Innsung khu leitung tena (barometer) ahi achi hi. Tuabanah, Innsung a naupangte, nungahte/ tangvalte kivon dante a kipat in leitung peidan ding bangtan ahiei a kithei” achi hi. A umdan khu innsung kivaipuohna ahoi sihlehpen leitung

hoilou leh setah ah i teng diing uh zong” achi hi. Tuaban ah, hattuum hat-leh-hatlou zong khu innsung umdaan apat in a kithei thei hi. Tuajiehin, innsung khu leitung tena loupitah ahi.

3.i) Innsung khu Vangam naipen ahi: Laigieltu khat in, “Innsung khu Vangam neuzaw ahi” achi hi. Ahin, innsung kituohloute pen gawtmun cheplawhna ahi kia hi. Mi khat in, Billy Graham kung ah Vangam bangchi bang a nuom ding adiei? chiin adong hi. Ama’n a dawnna ah, “Vangam nop diingdaan na theinuom leh ka innsung uh hing en lechin na thei diing hi” achi hi. A va-et leh a kituohdante uh leh nop asah dante uh amu in a pientha lawta hi. Tualeh, Billy Graham in Camp, Crusade anei chieng in Khristian Innkuon thu khu a gen tel jeljel hi. Tam khun innsung a ngaikhawh dan a tahlang hi.

Tualeh, Dr.Dehan in zong innsung nuom umdan tambang in a gen hi. “Leitung a Vangam naipen khu innsung nuom ahi a, tualeh, innsung nuom khu PATE a diing in, LEENGAM ahia, NUTE a diing in LOUPINA ahia, tualeh TATE a diing in PARADISE ahi” achi hi. Tuabanah a, Robert Sehuller in “Power Ideas for Happy Family” achi khun, “Innkuon khu leitung neunou khat bang in a gen hi. Pa

pen khu Leengpa ahi a, Nu pen khu Leengnu ahia, Tate khu Leeng tanu/tapa ahi uh” achi hi. Tam khun Pasian thei innsungte dinmun leh hinatah a genlang hi. Tuajiehin, Inn khu khut a lam ahia, a sung khu lungsim a zep ahi a kichi hi.

4). Banah, nidanglai a El Bethel

speaker Pu. Lalhminglana in zong camp leh crusade a bawl chieng in Pasian ni zingkal kikhawp khu Khristian innkuon genna in a nei zel a, a chang chiengin camper nupa pangte khu mipi lah ah ngaidam a kingensah zelzel a nupa tamtah a kingaidam un a, kisiemtha law uhi.

ZPWF COLUMN

23rd November 2018 to 24th January, 2019 tan a Tunnu Limbel panpina pete:

1. Pa H. Kapneithang, Central Church	Rs. 3,000
2. Nu Chingneikim, Central Church	Rs. 500
3. Mission Committee Zomi Colony Christmas gift	Rs. 3,000
4. Rev. T Shoute, Rev. T. Kamkhojam NTBC & CBA	Rs. 500
5. Mission Committee Lailamveng	Rs. 5,000
6. 15th Session ZPCS Tunnu Limbel tuahkhawm	Rs. 6,305
7. Nu Vunggouniang, Talnuam	Rs. 100
8. Upa Nengkhenthang, Moderator MELC	Rs. 1,000
9. PWF Tangpijol Christmas gift	Rs. 1,460
10. Nu Nousuanching, Central Church	Rs. 1,000
11. Nu Hangngainiang, Hiangtam	Rs. 200
12. Nu Luankhanchiin, Hiangtam	Rs. 100
13. Nu Mangnianching, Central Church	Rs. 100
14. P. Church Behiangiang Christmas gift	Rs. 1,000
15. PWF Saiboh Christmas gift	Rs. 2,000
16. PWF Tongdam Christmas gift	Rs. 1,150
17. PWF LDCC Hiangzou Christmas gift	Rs. 2,000
18. Nu M. Dimzaching, Central Church	Rs. 500
19. Pa S. Hangmuanthang, Central Church	Rs. 500
20. PWF Lailamveng Anntang Kg. 110 &	Rs. 400
21. PWF Nungshai Anntang tang	Rs. 900
22. Martin Mangneihoi, Mumbai Christmas gift	Rs. 2,500
23. PWF Tuibuang Christmas gift Anntang Kg. 55, puan 100 ps. &	Rs. 4,850

24. PWF Sabual Anntang taang	Rs.	1,050
25. PWF Central Church Christmas gift	Rs.	4,000
26. PWF Hiangdung Christmas gift	Rs.	1,050
27. PWF Awnchinkap khuo Christmas gift	Rs.	3,000
28. Mrs. Flora Hatnu UK	Rs.	30,000
29. Nu Mannianching, Lailamveng	Rs.	100
30. Nu Chiinnei, Lailamveng	Rs.	1,100
31. Nu Vungsianman, Lailamveng	Rs.	1,100
32. Mr. Rajen, Mangjing	Rs.	500
33. Khamlunthang, Zomi Colony	Rs.	3,500
34. PYF New Zoveng (Outreach Programme-Christmas gift)	Rs.	2,000
35. Nu Dimneiching, Central Church	Rs.	1,000
36. PWF Manniang khuo Christmas gift	Rs.	2,000
37. David Khaithian, Sadreel Lalmuansang, Rose Chingmanniang, Manniangkhuo	Rs.	1,000
38. Pa Mangsuanlal, Gangpimual	Rs.	939
39. Pa David Kap, Sugnu	Rs.	1,200
40. PWF Tuibuang Anntang taang.....	Rs.	450
41. PWF Singngat Christmas gift	Rs.	2,570
42. H. Kamminthang, Tuibuang	Rs.	500
43. PWF Tuibuang Christmas gift	Rs.	2,000
44. Nu Ginchiin, Central Church.....	Rs.	200
45. 62nd ZPYF Conference tuohkhawm	Rs.	7,470
46. PWF Emmanuel	Rs.	500
47. PYF Shillong Dal 15 Kg. &	Rs.	2,000
48. PWF Behiangjang Anntang	Kg.	50
49. PWF Tuila Anntang	Kg.	30
50. PWF T.Tanguam Anntang	Kg.	60
51. PWF Aina Anntang	Kg.	30
52. Khaizamang Bongsa	Kg.	2
53. Nu P. Niangngaiching, Zomi Colony Puan	Ps.	23
54. ZPCS Muollum: November to December, 2018 sung a Tunnu Limbel panpina pete:		
1. Rev. Dr. Hangpi Manlun	Rs.	60
2. Upa Zamthang	Rs.	100
3. Sye David Kap	Rs.	50

4. Sye Goukhenmung	Rs.	10
5. Pa Min Zou	Rs.	40
6. Pa Tongminthang	Rs.	10
7. Pa Khaihau	Rs.	20
8. Pa Suonpau	Rs.	50
9. Pa Thongkai	Rs.	10
10. Pa Kam en thang.....	Rs.	30
11. Pa Hangthang	Rs.	10
12. Nu Chinghat	Rs.	20
13. Nu Nuomhoikim	Rs.	35
14. Pi Vungzanem	Rs.	20
15. Nu Nuomneu	Rs.	50
16. Pi Vialvung	Rs.	10
17. Nu Boivung	Rs.	40
18. Nu Nianghauching	Rs.	40
19. Pi Dimkannel	Rs.	20
20. Nu Suonniang	Rs.	140
21. Nu Vungsuonching	Rs.	10
22. Nu Dimhoiching	Rs.	30
23. Nu Niangsian	Rs.	60
24. Nu Niangngaiching	Rs.	20
25. Nu Nuomkhanngai	Rs.	10
26. Tv. Laljoi	Rs.	50
27. Tv. George Lialian	Rs.	50
28. Tv. Lalnou Manlun	Rs.	30
29. Tv. Lalboi	Rs.	200
30. Nh. Chingdei	Rs.	20
31. Nh. Hoineikim	Rs.	10
32. Nh. Ngaineinuam	Rs.	20
33. Nu Vunghaulian	Rs.	200
Total	Rs.	1,475

Petu zousie Mangpan hing guolzawl zing taken.

.....

Ordain Suunna

UPA S. KAMZADONG KUM-73

tanchin tomkim

Upa S. Kamzadong khu (L) Pu Chinzakhup leh
(L) Pi Awtzaniangte gil a ga goutan a thumna ahia,
March 1946 in Behiang tung ah apieng hi.



Kum 1972 in Lai pawl sawm ana zou hi. Kum 1974 in (L) Nu
Dotzaching toh ana kiteng ua, gil a ga goutan numei thum ana nei ua, a ji ittah
Nu (L) Dotzaching in 1981 in atangtawn mun zuon in ana muolliem santa hi. 15th
January 1986 in Council nuoi ah Assistant Teacher sepna mu in 2nd August 1994 in
Headmaster in ana kaisang a, 28th February 2013 in a sepna a pat ana pensionta hi.

13th December 1998 in Behiangjang Hattuum Upa ding a telching in a um a, MGP
Session in Central Church ah Rev. Awnkhankhup, MGP Moderator in Ordination
ana pie hi. Tualeh, 9th December 2007 in LDCC Hiangzou ah Hattuum Upa ding
in MGP Session Beaulahlane ah Upa M. Kamzadou a pat Re-Instate pieh ahi.

29th April 1999 in Nh. Nianghauching toh Hattuum dan siengthou in Rev. H.
Nengzatun khut ah na kiteng in ta numei-1 leh Pasal -1 anei uhi. Behiangtung
apat Behiangjang khuo ah pemit in tuanah Hattuum Secretary in hun sawttah ana
kizang a, Tuivai District ah Secretary leh MGP ah Finance Secretary zong na tu hi.
Kum 2005 in Hiangzou ah hing tenglut in 2007 apat tunitan in Loal Treasurer atu hi.

Apienpi sanggamte:

1. (L) Upa Tongzagin
2. (L) Pu Goukthothawng (Asst. Teacher Retd)
3. Pa Chindouthang (Ex-Service ASC).

Pasian apat goutan atate:

- | | |
|---------------------------|--------------------|
| 1. (L) Nu Niangkhokim | 2. Nu Vungkhannuam |
| 3. Nu Elizabeth | 4. Nh. Niangneilun |
| 5. Tv. Issak Khupsianmuan | |

Ama khu mi nunnem leh dihtat ahia, Pasian a kipe zou mama mi ahi. Hun sawttah
Zunhum natna nei a etkol ahia, theitawp a etkol ahilai in 5th January 2019 nitah a
pat BP lam buoi a gimse kia in 6th January 2019 in District Hospital puoh tung ahia,
Doctor-ten theitawp asuo nua un zong damzou talou in a siempa kung a khawldam
dingin a hing muolliem santa hi. Ama i it thu leh i suun thu tam i Khristian Tangkou
tungtawn in iphuong uhi. A Bible taang dei: Mathiu 6:33.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Retd.) H. Nengzaton	23. Rev. Awnkhanthup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoiinn	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhoniam	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiinn	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppaa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuanthup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
